



eKAB-Nr.: 00.068.946

Stelle: Gemeinde Albula/Alvra

Rubrik: Gemeindeanzeigen / Orts- und Quartierplanung

Veröffentlicht: 29.04.2022

## Vischnanca dad Albula/Alvra – examinaziun cumpletta da las zonas da privel en il plan da zonas – prolungaziun ed adattaziun da la zona da planisaziun

Actualmain è en vigur en la vischnanca dad Albula/Alvra en connex cun il perimeter da bova e da sbuvada Brienz/Brinzauls las suandantas zonas da planisaziun:

- a) la zona da planisaziun per il vitg da Brienz/Brinzauls (excl. Vazerol) relaschada da la suprastanza communal il 18 d'avrigl 2017 e prolungada cun las publicaziuns dals 26 da mars 2019 e dals 26 da mars 2021.
- b) la zona da planisaziun per Brienz/Brinzauls (excl. zonas da construcziun dal vitg) e parts da Vazerol, Casti e Surava relaschada da la suprastanza communal il 7 d'avrigl 2020 e prolungada cun la publicaziun dals 26 da mars 2021.
- c) La zona da planisaziun per parts da Vazerol, Casti e Surava (amplificaziun) relaschada da la suprastanza communal il 19 da schaner 2021.

Tut las zonas da planisaziun scadessan il 24 d'avrigl 2022. Sa basond sin l'art. 21 da la Lescha davart la planisaziun dal territori per il chantun Grischun (LPTGR) ha la suprastanza communal decidì il 22 da mars 2022 d'unir las zonas da planisaziun a), b), e c) ad ina zona da planisaziun e da prolungar quella fin il 24 d'avrigl 2023. La zona da planisaziun vegn cunfinada segund las novas enconuschientschas da la cumissiun da privels responsabla. Il Departament d'economia publica e fatgs socials dal Grischun ha approvà la prolungaziun da la zona da planisaziun cun la disposiziun dals 22 d'avregl 2022.

Intent da la zona da planisaziun:

- Examinaziun cumpletta da las zonas da privel en il plan da zonas entaifer il perimeter da bova e da sbuvada

La cunfinaziun exacta dals territoris pertutgads da la zona da planisaziun è fixada en il plan 1:5'000 agiuntà. Ils plans èn er exponids per invista en la chanzlia communal da Casti e sin la pagina-web da la vischnanca dad Albula/Alvra ([www.albula-alvra.ch/Actual](http://www.albula-alvra.ch/Actual)).



Kantonsamtsblatt

Fegl uffizial

Foglio ufficiale

---

Las zonas da planisaziun vegnan prolungadas, perquai che la cumissiun da privels sto anc fixar definitivamain il privel per il perimeter da donn potenzial cun agid d'ina charta da privels resp. d'in plan e perquai che mancan anc las enconuschientschas davart ils effects d'ina gallaria da drenascha.

Durant il temp da la zona da planisaziun dastgan vegnir lubids unicamain projects da construcziun che na cuntrafan betg a las mesiras previsas. Suentar che la Regenza dal chantun Grischun ha approvà ils meds da planisaziun revedids, vegn la zona da planisaziun puspè annullada.

Cunter questa decisiun po vegnir recurri tar la Regenza dal chantun Grischun entaifer 30 dis dapi la publicaziun.

Cumegn Albula/Alvra